



Broj: 09-20-11-2-1500-II/24

Datum: 22.08. 2024.godine

Na osnovu člana 43. i 45. stav (2) i (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14, 59/22 i 50/24), i prijedloga Komisije za provođenje otvorenih postupaka nabavki za 2024. godinu, v.d. direktora Federalne uprave policije, d o n o s i:

ODLUKU

o izboru najpovoljnijeg ponuđača u postupku Javne nabavke PCR aparati za LOT 2

1. Prihvata se prijedlog Komisije za provođenje otvorenih postupaka nabavki u postupku Javne nabavke PCR aparati za LOT 2, te se Ugovor dodjeljuje ponuđaču Biosistemi d.o.o. Sarajevo, prema Ponudi broj: 24-012-000027 od 06.06.2024.godine, po ukupnoj cijeni u iznosu od 43.834,00 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 09-20-11-2-1500/24 od 30.04.2024. godine.
4. Ova Odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).
5. Za izvršenje Odluke zadužuje se Sektor za finansije i javne nabavke.

OBRAZLOŽENJE

Federalna uprava policije je provela otvoreni postupak Javne nabavke laboratorijske opreme za LOT 2 - Javna nabavka PCR aparati, po Obavještenju o javnoj nabavci broj: 1412-1-1-116-3-58/24 od 06.05.2024.godine, objavljenom u "Službenom glasniku BiH" broj: 41/24, dana 14.06.2024.godine.

Procijenjena vrijednost nabavke za LOT 2 - Javna nabavka PCR aparati iznosi 43.835,90 KM bez PDV-a.

Komisija za provođenje otvorenih postupaka javnih nabavki je dana 20.06.2024.godine, izvršila radnju Otvaranje ponuda o čemu je sačinjen Zapisnik sa otvaranja ponuda u kojem su uneseni svi elementi predviđeni članom 63. stav 4. i 5., ZJN BiH.

U postupku pregleda i ocjene ponuda, Komisija je utvrdila da je za LOT 2 - Javnu nabavku PCR aparati u propisanom roku pristigla (1) jedna ponuda i to Ponuda ponuđača Biosistemi d.o.o. Sarajevo broj: 24-012-000027 od 06.06.2024.godine, sa ponuđenom cijenom od 43.834,00 KM bez PDV-a, koja je formalno-pravno ispravna i ispunjava uslove tražene tenderskom dokumentacijom, te kao takva za ugovorni organ prihvatljiva.

Budući da je za navedenu nabavku pristigla samo (1) jedna ponuda, e-Aukciju nije moguće provesti.

Rukovodeći se kriterijem najniža ukupna cijena tehnički zadovoljavajuće ponude, Komisija je u skladu sa članom 70., Zakona o javnim nabavkama BiH predložila da se za Javnu nabavku PCR aparati za LOT 2, donese Odluka o izboru najpovoljnijeg ponuđača i ugovor dodijeli ponuđaču Biosistemi d.o.o. Sarajevo, prema Ponudi broj: 24-012-000027 od 06.06.2024.godine po ukupnoj cijeni u iznosu 43.834,00 KM bez PDV-a, što je kostatovala u Zapisniku o pregledu i ocjeni ponuda od 19.08. i 22.08.2024.godine.

Razmatrajući prijedlog Komisije, v.d. direktora Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

Dostaviti:

- Sektor za finasije i javne nabavke
- ponuđaču
- u spis

V.D. DIREKTOR
(Načelnik SKP-e)
GLAVNI INSPEKTOR
Vahidin Munjić

